

Sam Nyied Sam Cazcise Soengq Cazci Hawj Gvangjsih Minzcuz Dayoz

三月三杂志社到广西民族大学赠送杂志

1 nyied 20 hauh gyanhaet, Gvangjsih Sam Nyied Sam Cazcise cungjbenhciz Cinz Siengzcouh dazyinx gyoengq doengzsaeh aen se neix bae daengz Gvangjsih Minzcuz Dayoz, soengq 《Sam Nyied Sam》cazci hawj gyoengq hagseng Gicuz Gyaunuz Yozyen aen ciennieb Cunghgoz Saujsu Minzcuz Yijyen Vwnzyoz. Aen yozyen neix yencangj Cinz Cihoz daiyauy yozyen ciepaueu cazci, caemh gyo' mbaiq Sam Nyied Sam Cazcise.

Soengq saw seiz, Cinz Cihoz naeuz, 《Sam Nyied Sam》cazci(banj Sawcuengh) dwg guek raeuz bonj cazci dog yungh Sawcuengh oksaw ndeu, dwg bonj saw cienz Vahcuengh caeuq vwnzva Bouxcuengh gig youqgaenj ndeu, maqmuengh gyoengq hagseng saeqsim bae doeg, roengzrengz guh baenz boubx vih Vahcuengh caeuq vwnzva Bouxcuengh cienzriuz gig miz yungh ndeu; Cinz Siengzcouh cungjbenhciz hawj gyoengq hagseng gaisau aen lizsij Sam Nyied Sam Cazcise, gujli gyoengqde sij Sawcuengh, yungh Vahcuengh vih cienzriuz vwnzva Bouxcuengh gok goengrengz.

Mbat hozdung soengq saw neix, Sam Nyied Sam Cazcise gungh soengq bae 《Sam Nyied Sam》Cazci (banj Sawcuengh caeuq banj Sawgun) 300 lai bonj.

(Veiz Yinyiz/韦运益 Cwngh Gingcunh/曾庆春)



▲ Gyoengq hagseng doeg 《Sam Nyied Sam》gig miz yinxdaeuz.



▲ Cinz Cihoz ciepaueu cazci.

Cingsih: Giyezgyah Simndei Gienngaenz Hawj Hagseng Bouxgungz Gapdoiq

靖西: 爱心企业家捐助结对贫困学生

1 nyied 21 hauh, Cingsih Si Vadung Cin ganbu, daiqbiuj gyoengq giyezgyah simndei Cinz Vwnzlunz、Cungh Siengz sienseng daengj, hawj Vadung Cin Veiz Ginzliz daengj 23 boubx gapdoiq banggungz gendangj laebgaj ranz gungzhoj hagseng soengq bae 2.5 fanh maenz ngaenzcamnai, bangcoh gyoengqde youq ndaw hagsib roeb daengz gij gunnanz haenx.

(Vangz Anhcungh/黄安忠)



▲ Cin ganbu daibiuj giyezgyah soengq ngaenz hawj gyoengq hagseng gungz haenx.



▲ Boubxbing canghdajvih sij “fuk” soengq “fuk”hawj vunzlai.

Yungzsuij Boubxbing Canghdaj-veh Mbanjmyauz Soengq “Fuk”

融水军旅书画家苗乡送“福”


1 nyied 21 hauh lijgaeuq ndwenlab ngeih-seiq, youq Yungzsuij Myauzcuz Swciyen aenvenz gvangjangz, boubxbing canghdajveh Cinz Cauhcinh sij cih “fuk” soengq hawj vunzlai Myauzcuz dangdieg.

Cinz Cauhcinh dwg boubxbing Cungguk canghdajveh okmingz he, dwg vunz Yungzsuij. De cienmonz youq ranzmbanj gawjbanh aen hozdung sij goeng’ik “fuk” soengq “fuk”, yienhciengz vih vunzlai sij “fuk” soengq “fuk” mbouj aeu cienz, yieugq boubxlaux lwgnyez ranzmbanj youq seizciet moq camndei caeuq hohfuk.

(Veiz Dingjbyauh/韦鼎标)

Camnai “Buengj Vunz Ndei Cungguk” Bouxhousenj

慰问“中国好人榜”候选人



▲ Camnai boubx housenj “Buengj vunz ndei Cungguk”.

1 nyied 18 hauh, Luzcai Yenveij Senhconzbu hawj Cunghdu Cin Veiswngnyen boubxhousenj canghyw ndaej haeuj ndaw “buengj vunz ndei Cungguk” haenx soengq bae ngaenzcamnai.

2016 nienz aen yienh neix gaenx-maenx camgya Cunghsenbu cawjbanh、Cungguk Vwnzmingzban banh “aen hozdung gou doigawj、gou bingz vunz ndei henz ndang”, aen yienh neix doigawj song boubx gihcwngz gunghcoz yinzyenz ndaej haeuj 10 nyied faenh buengj vunz ndei housenj mingzdan, camgya doeklaeng bingzsenj.

(Lai Genveih/赖建辉)